

АРБИТРЫН ҮНДСЭН ЗАРДАЛ БОЛОН НЭМЭЛТ ЗАРДЛЫН ХЭМЖЭЭГ ТООЦОХ ЖУРАМ

Нэгдүгээр зүйл. Олон улсын маргааны арбитрын үндсэн зардлын хэмжээг нэхэмжлэлийн үнийн дүнгээс доорх хувь хэмжээгээр тогтооно. Үүнд: /ам.доллараар/

№	Нэхэмжлэлийн үнийн дүн	Арбитрчийн хөлс	
		Нэг арбитрч/даргалагч арбитрчийн хөлс	Даргалагчаас бусад хоёр арбитрчийн хөлс
1	25,000 хүртэл	500	600
2	25,000-50,000	500 дээр 25,000-аас дээш үнийн дүнгийн 1 хувиар бодож нэмэх	600 дээр 25,000-аас дээш үнийн дүнгийн 1.2 хувиар бодож нэмэх
3	50,001-100,000	750 дээр 50,000-аас дээш үнийн дүнгийн 0.8 хувиар бодож нэмэх	900 дээр 50,000-аас дээш үнийн дүнгийн 0.96 хувиар бодож нэмэх
4	100,001- 500,000	1,150 дээр 100,000-аас дээш үнийн дүнгийн 0.6 хувиар бодож нэмэх	1,151.2 дээр 100,000-аас дээш үнийн дүнгийн 0.72 хувиар бодож нэмэх
5	500,001- 1,000,000	3,550 дээр 500,000-аас дээш үнийн дүнгийн 0.5 хувиар бодож нэмэх	4,260 дээр 500,000-аас дээш үнийн дүнгийн 0.6 хувиар бодож нэмэх
6	1,000,001- 2,000,000	6,050 дээр 1,000,000-аас дээш үнийн дүнгийн 0.4 хувиар бодож нэмэх	7,260 дээр 1,000,000-аас дээш үнийн дүнгийн 0.48 хувиар бодож нэмэх
7	2,000,001- 5,000,000	10,050 дээр 2,000,000-аас дээш үнийн дүнгийн 0.3 хувиар бодож нэмэх	12,060 дээр 2,000,000-аас дээш үнийн дүнгийн 0.36 хувиар бодож нэмэх
8	5,000,001- 10,000 000	19,050 дээр 5,000,000-аас дээш үнийн дүнгийн 0.2 хувиар бодож нэмэх	22,860 дээр 5,000,000-аас дээш үнийн дүнгийн 0.24 хувиар бодож нэмэх
9	10,000,001- 50,000,000	29,050 дээр 10,000,000-аас дээш үнийн дүнгийн 0.1 хувиар бодож нэмэх	34,860 дээр 10,000,000-аас дээш үнийн дүнгийн 0.12 хувиар бодож нэмэх
10	50,000,001-ээс дээш	69,050 дээр 50,000,000-аас дээш үнийн дүнгийн 0.05 хувиар бодож нэмэх	82,860 дээр 50,000,000-аас дээш үнийн дүнгийн 0.06 хувиар бодож нэмэх

Гурван арбитрчийн бүрэлдэхүүнтэй арбитрын хэргийн арбитрчийн зардлыг тооцохдоо даргалагч арбитрчийн хөлс дээр нэмэх нь даргалагчаас бусад хоёр арбитрчийн хөлсийг нийлүүлж арбитрын бүрэлдэхүүний зардлыг тогтооно.

№	Нэхэмжлэлийн үнийн дүн	Захиргааны зардал
1	25,000 хүртэл	350
2	25,000-50,000	350 дээр 25,000-аас дээш үнийн дүнгийн 2.52 хувиар бодож нэмэх
3	50,001-100,000	980 дээр 50,000-аас дээш үнийн дүнгийн 1.36 хувиар бодож нэмэх
4	100,001- 500,000	1,660 дээр 100,000-аас дээш үнийн дүнгийн 1.102 хувиар бодож нэмэх
5	500,001- 1,000,000	6,068 дээр 500,000-аас дээш үнийн дүнгийн 0.495 хувиар бодож нэмэх
6	1,000,001- 2,000,000	8,543 дээр 1,000,000-аас дээш үнийн дүнгийн 0.312 хувиар бодож нэмэх
7	2,000,001- 5,000,000	11,663 дээр 2,000,000-аас дээш үнийн дүнгийн 0.219 хувиар бодож нэмэх
8	5,000,001- 10,000 000	18,223 дээр 5,000,000-аас дээш үнийн дүнгийн 0.0875 хувиар бодож нэмэх
9	10,000,001- 50,000,000	22,598 дээр 10,000,000-аас дээш үнийн дүнгийн 0.08 хувиар бодож нэмэх
10	50,000,001-ээс дээш	54,598 дээр 50,000,000-аас дээш үнийн дүнгийн 0.07 хувиар бодож нэмэх

/Энэ хэсэгт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

Хоёрдугаар зүйл. Дотоодын маргаан шийдвэрлэх арбитрын үндсэн зардлын хэмжээг нэхэмжлэлийн үнийн дүнгээс доорх хувь хэмжээгээр тогтооно. Үүнд: /төгрөгөөр/

№	Нэхэмжлэлийн үнийн дүн	Арбитрын үндсэн зардал
1	1-1,000,000	150,000
2	1,000,001-5,000,000	150,000 дээр 1,000,000-аас дээш үнийн дүнгийн 2.5 хувиар бодож нэмэх
3	5,000,001-10,000,000	250,000 дээр 5,000,000-аас дээш үнийн дүнгийн 2.5 хувиар бодож нэмэх
4	10,000,001-50,000,000	375,000 дээр 10,000,000-аас дээш үнийн дүнгийн 2.0 хувиар бодож нэмэх
5	50,000,001-100,000,000	1,175,000 дээр 50,000,000-аас дээш үнийн дүнгийн 1.7 хувиар бодож нэмэх
6	100,000,001-200,000,000	2,025,000 дээр 100,000,000-аас дээш үнийн дүнгийн 1.5 хувиар бодож нэмэх
7	200,000,001-500,000,000	3,525,000 дээр 200,000,000-аас дээш үнийн дүнгийн 1.3 хувиар бодож нэмэх
8	500,000,001-1,000,000,000	7,425,000 дээр 500,000,000-аас дээш үнийн дүнгийн 1.0 хувиар бодож нэмэх
9	1,000,000,001-5,000,000,000	12,425,000 дээр 1,000,000,000-аас дээш үнийн дүнгийн 0.8 хувиар бодож нэмэх
10	5,000,000,001-10,000,000,000	44,425,000 дээр 5,000,000,000-аас дээш үнийн дүнгийн 0.6 хувиар бодож нэмэх

11	10,000,000,001-50,000,000,000	74,425,000 дээр 10,000,000,000-аас дээш үнийн дүнгийн 0.4 хувиар бодож нэмэх
12	50,000,000,001-100,000,000,000	234,425,000 дээр 50,000,000,000-аас дээш үнийн дүнгийн 0.2 хувиар бодож нэмэх
13	100,000,000,001-аас дээш	334,425,000 дээр 100,000,000,000-аас дээш үнийн дүнгийн 0.1 хувиар бодож нэмэх

/Энэ хэсэгт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

Гуравдугаар зүйл. Арбитрын ажиллагааны үндсэн зардал

3.1. Арбитрын үндсэн зардалд Монголын Олон Улсын Арбитрт хэрэг хянан шийдвэрлэх ажиллагаатай холбогдон гарах зардлыг ойлгоно. Үүнд:

3.1.1. Бүртгэлийн хураамж

3.1.2. Захиргааны зардал

3.1.3. Арбитрчийн хөлс

/Энэ хэсэгт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор нэмэлт оруулсан/

3.2. Олон улсын маргааны нэхэмжлэл хүлээн авах, түүний бүрдүүлбэрийг хянах, арбитрын ажиллагааг эхлүүлэх буюу бэлтгэх бүртгэлийн хураамж 1,000 /мянга/ ам.доллар байх ба олон улсын маргааны үндсэн зардалд уг хураамжийг хамааруулан ойлгоно. Бүртгэлийн хураамжийг буцаан олгохгүй.

/Энэ хэсгийг МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор нэмсэн/

3.3. Нэхэмжлэгч нэхэмжлэл гаргахдаа, хариуцагч сөрөг нэхэмжлэл гаргахдаа арбитрын үндсэн зардлыг төлсөн байна.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.4. Нэхэмжлэгчээс шилжүүлсэн арбитрын зардал Монголын Үндэсний Худалдаа Аж Үйлдвэрийн Танхимын дансанд орсноор уг зардлыг төлсөнд тооцно.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.5. Олон улсын маргааны арбитрын зардлыг энэ журмын 1 дүгээр зүйлд заасны дагуу ам.доллараар тооцох бөгөөд нэхэмжлэл гаргах үеийн Монголбанкнаас зарласан албан ёсны ханшаар тооцож төгрөгөөр төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.6. Олон улсын маргааны нэхэмжлэлийн үнийн дүн нь гадаад улсын валютаар илэрхийлэгдсэн тохиолдолд нэхэмжлэл гаргах үеийн Монголбанкнаас зарласан албан ёсны ханшаар АНУ-ын долларт хөрвүүлж, энэ журмын 3 дугаар зүйлийн 3.5 дахь хэсэгт заасны дагуу төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.7. Дотоодын маргааны нэхэмжлэлийн үнийн дүн ам.доллараар эсвэл өөр улсын валютаар үнэлэгдсэн тохиолдолд нэхэмжлэл гаргах үеийн Монголбанкнаас зарласан албан ёсны ханшаар тооцож арбитрын зардлыг төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.8. Арбитрт нэхэмжлэл гаргахад нэхэмжлэл нь мөнгөн дүнгээр хэмжигдэх боломжгүй тохиолдолд нэхэмжлэл гаргаж буй тал арбитрын зардалд 1,000,000 /нэг сая/ төгрөгийг урьдчилж төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.9. Нэхэмжлэл, сөрөг нэхэмжлэл нь мөнгөн дүнгээр хэмжигдэх боломжгүй тохиолдолд тухайн арбитрын бүрэлдэхүүн нэхэмжлэлийн үнийн дүнг тодорхойлох бөгөөд шаардлагатай тохиолдолд мэргэжлийн этгээдээр үнийн дүнг тодорхойлуулж болно.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.10. Арбитрын ажиллагааны явцад нэхэмжлэлийн шаардлагаа нэмэгдүүлсэн тохиолдолд нэмэгдүүлсэн үнийн дүнд энэхүү журмын 1, 2 дугаар зүйлд заасны дагуу тооцож арбитрын зардлыг төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.11. Арбитрын ажиллагааны явцад нэхэмжлэлийн шаардлагаа багасгасан, өөрчилсөн тохиолдолд түүнд оногдох арбитрын зардлыг буцаан олгохгүй.

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.12. Арбитрын тухай Монгол Улсын хуулийн 47 дугаар зүйлийн 47.2 дахь хэсэгт заасан үндэслэлээр арбитрын шийдвэрийг шүүх хүчингүй болгосон тохиолдолд арбитрын ажиллагааг дахин эхлүүлэхээр хүсэлт гаргасан тал нэхэмжлэлийн үнийн дүнгээс тооцон энэхүү журмын дагуу төлбөл зохих арбитрын зардлаас 50 хувиар тооцож арбитрын зардлыг дахин төлнө. Энэхүү заалт нь сөрөг нэхэмжлэлд мөн адил хамаарна.

/Энэ хэсэгт МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор нэмэлт оруулсан/

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.13. Энэхүү журмын 3.12-т заасан үндэслэлээр арбитрын ажиллагаа дахин эхэлсэн тохиолдолд сөрөг нэхэмжлэл гаргасан бол арбитрын зардлыг энэхүү журамд заасны дагуу ердийн журмаар төлнө.

/Энэ хэсгийг МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор нэмсэн/

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

- 3.14. Арбитрын тухай хуулийн 47 дугаар зүйлийн 47.2-т заасан үндэслэлээр арбитрын шийдвэр хүчингүй болж арбитрын ажиллагаа дахин эхэлсэн тохиолдолд нэхэмжлэлийн шаардлагаа нэмэгдүүлсэн бол энэхүү журмын 3 дугаар зүйлийн 3.12-т заасан хэмжээгээр арбитрын зардлыг төлөхөөс гадна нэмэгдүүлсэн шаардлагын хэмжээгээр ердийн журмаар нэмж төлнө.

/Энэ хэсгийг МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор нэмсэн/

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.15. Тус арбитрын салбар аймгийн арбитраг маргаан шийдвэрлэх тохиолдолд энэхүү журмыг баримтлан арбитрын зардлыг төлнө.

/Энэ хэсгийн дугаарт МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор өөрчлөлт оруулсан/

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

3.16. Арбитрын үндсэн зардлыг энэ журмын 5 дугаар зүйлд зааснаас бусад тохиолдолд буцаан олгохгүй.

/Энэ хэсгийн дугаарт МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор өөрчлөлт оруулсан/

/Энэ хэсгийн дугаарт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор өөрчлөлт оруулсан/

Дөрөвдүгээр зүйл. Арбитрын ажиллагааны нэмэлт зардал

4.1. Энэхүү журмын 3.1-д зааснаас бусад зардал нэмэлт зардалд багтана. Үүнд: шинжээчтэй холбогдон гарах зардал, түр арга хэмжээ авах зардал, арбитрын шийдвэрээр гүйцэтгэсэн ажил нь үүрэгт ажилд нь хамаарахгүй бол түүнтэй холбоотой ажлын хөлс, үзлэг хийхэд гарсан зардал, шуудангийн зардал, хэлмэрчлэх, орчуулга хийх, гэрчийн зардал, арбитрагдын болон нарийн бичгийн даргын томилолтын зардал болон бусад зардал орно.

/Энэ хэсэгт МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор нэмэлт оруулсан/

4.2. Арбитр аль нэг талаас эсвэл талуудаас хэрэг хянан шийдвэрлэхтэй холбоотой нэмэлт зардлыг урьдчилан төлүүлнэ. Нэмэлт зардалд төлсөн төлбөр илүү гарсан тохиолдолд арбитрын шийдвэр гарсны дараа тухайн илүү төлбөрийг буцаан олгоно, дутсан бол арбитрын шийдвэрийг гардуулахаас өмнө нөхөн төлүүлнэ.

4.3. Хэрэг хянан шийдвэрлэх ажиллагаа дууссаны дараа хэрэгт байгаа нотлох баримт, албан бичгийн хуулбар, шийдвэр зэргийг хуулбарлан авахад хуудас тутамд 3'000 төгрөг төлнө.

4.4. Аль нэг тал арбитрын ажиллагааны өмнө болон явцад арбитраас гарах шийдвэрийн биелэлтийг баталгаажуулах арга хэмжээ буюу түр арга хэмжээ авхуулах тохиолдолд олон улсын маргааны хувьд 1,500 ам.доллар, дотоодын маргааны хувьд 500,000 төгрөг төлнө.

/Энэ хэсгийг МҮХАҮТанхимын Удирдах зөвлөлийн хурлын 2024 оны 01 дүгээр сарын 26-ны өдрийн 07 тоот тогтоолоор нэмсэн/

Тавдугаар зүйл. Арбитрын ажиллагааны зардлаас буцаан олгох

5.1. Арбитрын ажиллагааны явцад талууд эвлэрэн хэлэлцэж арбитрын ажиллагааг дуусгавар болгосон бол арбитрын үндсэн зардлын 50 хүртэлх хувийг нэхэмжлэгчид буцаан олгож болно. Эвлэрлийн гэрээг арбитрын шийдвэрээр баталгаажуулсан тохиолдолд арбитрын зардлыг буцаан олгохгүй.

5.2. Арбитрын ажиллагааны явцад арбитрын ажиллагааг дуусгавар болгосон тохиолдолд талууд өөрөөр тохиролцоогүй бол арбитрын зардлыг талуудад тэнцүү хувиар хариуцуулж болно.

5.3. Арбитрын ажиллагааны журмыг тогтоохоос өмнө нэхэмжлэгч нэхэмжлэлээсээ татгалзсан, татан авсан, нэхэмжлэгч нэхэмжлэлээ буцаан авч арбитрын ажиллагааг дуусгавар болгосон бол нэхэмжлэгчийн төлсөн арбитрын зардлын 60 хүртэлх хувийг буцаан олгож болно.

/Энэ хэсгийг МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор нэмсэн/

- 5.4. Арбитрын ажиллагааны журмыг тогтоосны дараа нэхэмжлэгч нэхэмжлэлээсээ татгалзсан, татан авсан, нэхэмжлэгч нэхэмжлэлээ буцаан авч арбитрын ажиллагааг дуусгавар болгосон бол нэхэмжлэгчийн төлсөн арбитрын зардлын 40 хүртэлх хувийг буцаан олгож болно.

/Энэ хэсгийг МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор нэмсэн/

- 5.5. Арбитрын үндсэн зардлыг энэ журамд зааснаас бусад тохиолдолд буцаан олгохгүй.

/Энэ хэсгийн дугаарт МҮХАҮТанхимын Удирдах зөвлөлийн хурлын 2020 оны 2 дугаар сарын 06-ны өдрийн 05 тоот тогтоолоор өөрчлөлт оруулсан/

Зургаадугаар зүйл. Арбитрын ажиллагаатай холбоотой бусад зардал

- 6.1. Аль нэг талын сонгосон арбитрч арбитрын ажиллагаа явуулах газарт байнга оршин суудаггүй тохиолдолд түүний арбитрын хэрэг хянан шийдвэрлэх ажиллагаанд оролцох зардлыг сонгосон тал төлнө. Хэрэв ийм арбитрч арбитрын бүрэлдэхүүний даргалагчаар томилогдсон бол түүнийг арбитрын ажиллагаанд оролцоход гарах зардлыг талууд тэнцүү хувааж төлнө.
- 6.2. Арбитрын ажиллагааг Монголын олон улсын арбитрын байрлах газраас өөр газарт явуулсан, онлайн хэлбэрээр явуулсан бол түүнтэй холбоотой гарах зардлыг талууд тэнцүү хэмжээгээр урьдчилан төлнө.

Долоодугаар зүйл. Арбитрын ажиллагааны зардлын талаарх талуудын эрх

- 7.1. Аль нэг тал арбитрын ажиллагаатай холбогдон өөрөөс гарсан нэмэлт зардлыг буруутай талаас нөхөн төлүүлэхээр нэхэмжлэх эрхтэй бөгөөд нэхэмжлэлийн үнийн дүнгийн хэмжээгээр энэхүү журамд заасны дагуу арбитрын зардлыг төлнө.
- 7.2. Талууд өөрөөр тохиролцоогүй бол нэхэмжлэлийн шаардлагыг бүрэн хангасан бол арбитрын зардлыг хариуцагчид, нэхэмжлэлийг хэрэгсэхгүй болгосон бол нэхэмжлэгчид, хэсэгчлэн хангасан бол нэхэмжлэгч, хариуцагч талуудад хувь тэнцүүлэн хариуцуулна.

ooOoo